



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

27 d Johannes zwölffbott vnd Euangelist.

urn:nbn:de:hbz:466:1-41449

d. vi. Calend. Ianuarij.

Der XXVII. Tag im Christmonat.

In der Statt Epheso / ist heut der Geburtstag
 des fürtrefflichen / hochfliegenden Adlers vnd
 Apostels / Euangelists / Junckfrawen vnd
 Prophetens S. Johannis / der ein Sohn Zebedei vnd
 Salome / S. Jacobs Bruder / auch ein armer Fischer
 gewesen / den doch Christus vber die andern Jünger
 vast geliebet / vnd ihm allein sein liebste Mütter vnder
 dem Creuz befolhen hat. Nach Christi Auffarth
 zoge diser Johannes inn Asiam / prediget das Euan-
 gelium Christi / stiftet vnd regieret vil Kirchen /
 ward darumb von dem Tyrannischen Kayser Domi-
 tiano gen Rom berufft / vnd vor der Lateinischen
 Porten in ein Faß voll siedigs Del gesehet / blib aber vn-
 uerlezt / wie oben am sechsten tag May gemeldet ist.
 Demnach ist er in die Insel Pathmos ins ellend verschic-
 cket / daselbst er seine wunderbarliche vnd Himmelsche of-
 fenbarung schribet. Als aber Domitianus dasselbig
 Jar umbkam / ward S. Johannes mit ehren wider
 gen Epheso gefordert / erwecket vom Tod sein Jünge-
 rin Drustianam / vnd den Jüngling Stactum / beköh-
 ret zu Christo den Philosophum Eratonem / sampt
 anderen vier Jünglingen / zerstöhret das Abgöttisch
 Bild / vnd den Tempel Diane / tranck Giffte ohn ver-
 lekung / erwecket zwen Todten / so vom selben Giffte ge-
 storben / brachte den Haidnischen Priester Aristode-
 mum sampt andern vilen zum Glauben / Tauffet bey
 zwölff tausent Mann / ohn Weib vnd Kind. Die Christ-
 liche Tugend / Liebe genant / preysset er für vnd für /

Ecc iij

also

also daß er auch in seinem alter / da er von seinen Jüngern in die Kirch getragen ward / vnd nit vil wort reden lunde / zum offternmal sprach: Ihr meine liebe Söhnelein / liebet euch vnder einander. Flohe erstlich Chereinum den Kesser / daß er auch mit ihm in der Badstuben nicht sein wolt / wie Ireneus schreibt. Lebte vber all andere Apostel / bis auff die zeit des Kaisers Traiani / das ist / acht vnnnd sechsig Jar nach der Aufferstehung Christi. Nach dem aber GOTT ihm seinen zukünftigen Tod offenbaret / kam er an einem Sonntag in die Kirchen / vnnnd prediget lange zeit dem Volck / mit ermahnung / daß sie im Christlichen Glauben bestendig / vnd in Gottes gebotten inbrünstig verharreten / gieng darnach in ein Grüb / bey dem Altar gemacht / saget GOTT danck / vnd bettet mit außgestreckten händen / vnnnd mit einem grossen Liecht vmbgeben / verschid er wunderbarlich im 99. Jar seines alters. Von seinem heyligen Junckfräwlichen Leib ist auff Erden nichts gesehen noch erfunden worden.

Anno Dñi
101.

Item zu Alexandria des heyligen Bischoffs Maximi / der seiner Christlichen bekantnuß halben groß vnd herrlich worden.

Item an disem Tag soll der H. Apostel Jacobus der minder / von den Aposteln zum ersten Bischoff zu Jerusalem geordnet vnnnd gemacht sein worden / da er auch die erste Mess gehalten.

Item in den Grenzen Aquileie des heyligen Pressters vnnnd Beichtigers Zoili / wellicher S. Chrysogonus / von dem oben am 24. tag Wintermonats gemelde / begraben / vnnnd darnach am dreyßigsten tag / da ihm S. Chrysogonus erschine / zu dem Herren seliglich gefahren ist.

Item

Item der heyligen Claudie/die S. Eugenie Mär-
ter war/von welcher Eugenia oben am 25. tag diß Mo-
nats gesagt worden.

Item der heyligen Frauen Fabiole/welche/ ob sie
schon Edel vnd Namhaftig war / jedoch grosse vnd of-
fenliche Däp thet/nach S. Hieronymi zeugnuß.

ε v. Calend. Ianuarij.

Der XXVIII. Tag im Christm.

Die Bethlehem Jude / ist heut der Geburtstag der
heyligen/ lieben/ vnschuldigen Kindlein/welche an
Christi stat/von dem Tyrannischen König Herode
Ascalonita im 35. Jar seines Reichs/sämmerlich vnnnd
mörderlich erwirgt / vnd also in ihrem Blüt gehailiget
seind worden. Deren sollen vierzig tausent gewesen sein/
vnd ist jr Fest auch in der alten vñ Griechischen Kirchen
feyrlich gehalten worden. Herodes aber der sie sämmerlich
hat lassen vmbbringen/ward von GOTT auch in seinem
leben hefftig gestraffet / also daß er am 36. Jar seines
Reichs/Wassersüchtig/ vnd von kriechenden Würmen
gefressen / vnnnd eben wie ein verzweyfler Tyrann / mit
grossen frewdendes Volcks dahin gefahren/vnnnd ellen-
diglich gestorben ist.

Item inn Aphyrica/der Geburtstag der heyligen
Castoris/Victoris vnd Rogatiani.

Item die erhebung des heyligen Papsts vnd Mär-
terers Johannis / von Rauenna gen Rom geschehen.
Von ihm ist oben am 28. tag May weyter gemeldt.

Item in der Statt Ancyra in Galatia gelegen/
der heyligen Märterer Eutici des Priesters / vnnnd Do-
mittiani des Diacons.

Ecce iiii

Item